

Waa maxay Meatal Stenosis (Cilad Keenta in Daloolka kaadidu ciriiri noqdo)?

Meatal stenosis waa cilad keenta in daloolka kaadidu marto ciriiri noqdo (daloolka guska). Haddii daloolku uu ciriiri noqdo, kaadidu (kaadida) waxaa ku adkaan doona inay kasoo qulqusho kaadi-haysta waxaana arrintaan ka dhalan kara in kaadi haystu aysan si buuxda faaruq u noqon. Haddii aan la daaweyn, arrintaan waxay keeni kartaa infekshanada kaadi mareenka iyo dhibaatooyin kelyaha gaara.

Meatal stenosis waa dhibaato inta badan ka dhalata gudbiinka, oo ka dhasha soo gaarista joogtada ah ee saamaynta ku yimaada dalaalka kaadida iyo xoqida qaybta kaadi mareenka ayadoo la adeegsanaayo tiish ama maro.

Waa maxay Calaamadaha iyo Astaamaha Stenosis Meatal?

Carruurta waxay yeelan karaan calaamadaha soo socda:

- Dhibaato ka qabsata kaadinta
- Kaadinta marar badan
- Kaadida oo muddo socota
- Kaadida oo si aayar ah usoo qulqusha
- Dhibaato ka qabsata keenista iyo joogteynta qulqulka kaadida
- Dhibaato la xariira ku aadinta kaadida godka loogu talagalay
- Kaadida oo yeelata firir halkii ay ka ahaan lahayd mid si toos ah usoo baxda
- Dareemida cadaadis ama foorarsiga marka ay kaadinayaan

Qaar kamid ah carruurta waxay kaadida ku yeelan karaa dhiig ama xanuun ayay dareemi karaan marka ay kaadinayaan.

Sidee Meatal Stenosis Loo daaweeyaa?

Xaaladaan waxaa lagu daaweeyaa qalliin, loo yaqaan meatoplasty. Jeexdin (goyn) ayaa laga sameeyaa daloolka kaadida hoostiisa si loo furo ama loo sii ballaariyo. Qalliinka waxaa lagu sameeyaa qolka qalliinka iyadoo la adeegsanaayo suuxdinta guud, laakiin sidoo kale waxaa lagu samayn karaa iyadoo la isticmaalayo suuxinta maxaliga ah ee xafiiska.

Haddii lagu sameeyo qolka qalliinka, jeexitaanka ayaa lagu sameeyaa daloolka kaadida waxaana lagu sameeyaa tolmo jirka ku milmi karta (tolmo) oo lagu dhejiyo hareeraha daloolka kaadi mareenka. Haddii lagu sameeyo xafiiska, jeexdin yar ayaa lagu sameeyaa kaadi mareenka, laakiin lagama tolo.

Haddii ciriiriga kaadi mareenka aan la xallin, waxaa qofka ku adkaan kara inuu kaadiyo waxaana ku dhalan kara caabuqyada kaadi mareenka iyo kelyo barar.

Maxaa dhacaya qalliinka Kadib?

Qalliinka Meroplasty kadib, mari boomaatada antibiyootiga tolmada (haddii ay jirto) 2 dii saacadoodba mar markaad soo jeedo. Waxaa kale oo laga yaabaa inaad u baahato inaad sameeyso daryeelka kaadi mareenka, adoo boomaato marinaya dalaalka dhowr jeer maalintii.

Cunugaagu waxaa laga yaabaa in 24 ta saacadood ee ugu horreeya ay kaadidu dhibto. Guud ahaan, wuxuu dib u bilaabi karaa dugsiga maalinta xigta ilaa ay aad ugu dhibtoonayaan moohee kaadida.

Ku dhiirigeli cunugaaga inuu wax cabbo dhowrkii saacadoodba mar maalintii oo dhan si ay uga caawiso hoos u dhigista dareemida kaadida. Hadba marka kaadida yaraato, waxaa yaraanaya xanuunka ay keeni karto. Ka ilaali cabitaanka dhanaanka leh iyo soodhada.

Wac dhakhtarkaaga haddii cunugaagu uusan awoodin inuu kaadiyo ama haddii qulqulka kaadidu aysan xoog u socon ama kala jarjarmato kadib qalliinka.

Last Updated: 09/2025 per Katie Potts, RN